

Kantonalno tužilaštvo Unsko-sanskog kantona

Ovo Tužilaštvo podiglo je dana 28.03.2013. godine optužnicu koja je potvrđena od strane Kantonalnog suda u Bihaću, protiv:

PROTIV:

BAJIĆ DRAGAN

Š T O J E

Za vrijeme rata u BiH u drugoj polovini 1992 godine, u vrijeme oružanog sukoba između Armije R BiH i vojske Republike Srpske, u svojstvu vojnog policajca pripadnika VI Sanske brigade vojske Republike Srpske, zajedno sa Pauković Markom (nedostupan državnim organima BiH) vojnim policajcem pripadnikom VI Sanske brigade vojske Republike Srpske, postupao suprotno odredbi čl. 3. st.1. tačka a, Ženevske konvencije o zaštiti civilnih osoba za vrijeme rata od 12. 08.1949 godine i čl. 4. st.1. i 2. tačka a. Dopunskog protokola II uz Ženevsku konvenciju od 12.08.1949 godine o zaštiti žrtava nemeđunarodnih oružanih sukoba, tako što je:

- dana 10.10.1992 godine između 19,00-21,00 sati, u mjestu Kamičak općina Ključ, zajedno sa Pauković Markom, u vojnim uniformama, naoružani automatskim puškama, dovezavši se p.m.v. marke „Golf“ A2 crvene boje, pred kuću H. D., pozivali istog da izađe, a nakon što se isti nije javio, ispucali kraći rafal u ulazna vrata i nasilno ušli u kuću, da bi se nakon toga uputili prema izlazu iz sela, gdje su na vanjskom ulaznom stepeništu kuće vlasništvo J. M., ugledali R. H., rođenog 1932 godine, te u namjeri da ga liše života, jedan od njih u istog ispucavao više metaka iz automatske pušake, koji je tom prilikom usljed zadobivenih povreda kostiju glave, grudne duplje i obje nadlaktice preminuo na licu mjesta, nakon čega su napustili lice mjesta, da bi se nakon kraćeg vremena ponovno vratili naprijed navedenim p.m.v. pred kuću vlasništvo J. M., te ušli u kuću, pa kad su vidjeli da se u kući nalazi više osoba, u namjeri da ih liše života iz automatskih pušaka ispucali veći broj metaka u iste, kojom prilikom je J. M. rođena 1922. godine, zadobila povrede u vidu višestrukih preloma kostiju glave i to desno sljepoočno, tjemenih kostiju sa više sitnih koštanih odlomaka, višestruki prelom ličnih kostiju obostrano kao i donje te gornje vilice, H. M. rođena 1938 godine zadobila povrede u vidu višestrukog preloma lopatične kosti sa više sitnih koštanih odlomaka, B. Đ. rođena 1938 godine, zadobila povrede u vidu višestrukog preloma kostiju baze i krova lobanje, ličnih kostiju kao i gornje vilice sa više sitnih koštanih odlomaka i malodobna B. S. rođena 1980 godine, kćerka B. Đ. zadobila povrede u vidu višestrukog preloma desne karlične kosti sa više koštanih odlomaka i višestruki prelom desne lične kosti sa više sitnih koštanih odlomaka, da bi sva navedena lica usljed zadobivenih povreda preminula na licu mjesta.

Dakle, za vrijeme rata u BiH u vrijeme oružanog sukoba između Armije R BiH i vojske Republike Srpske, kršeći pravila međunarodnog prava zajedno sa drugim licem izvršio ubistvo 5 civila, bošnjačke narodnosti.

Čime je počinio krivično djelo – ratni zločin protiv civilnog stanovništva iz čl. 142. u vezi sa čl. 22. preuzetog KZ SFRJ.